

## სიცოცხლის დაზღვევის ხელშეკრულება/პირობები VTB Bank LIFE V1 2020 დანართი N3

- 1.1. **დაზღვევის საგანი** - წინამდებარე პირობები ითვალისწინებს სადაზღვევო ანაზღაურების გაცემას დაზღვეულის (მსესხებლის) გარდაცვალების შემთხვევაში.
- 1.2. **“მოსარგებლე”** - პირი, რომელიც წინამდებარე პირობების თანახმად იღებს სადაზღვევო ანაზღაურებას. მოცემული პირობების და მათ საფუძველზე გაცემული სადაზღვევო პოლისების მიხედვით პირველად მოსარგებლეს წარმოადგენს სს „ვითიბი ბანკი ჯორჯია“, ხოლო მეორად მოსარგებლეს კი - თავად დაზღვევი/დაზღვეული;
- 1.3. **სადაზღვევო შემთხვევა** - დაზღვეულის გარდაცვალება. სადაზღვევო შემთხვევად არ განიხილება და მზღვეველი არ გასცემს ანაზღაურებას თუ გარდაცვალება გამოწვეულია წინამდებარე პირობებით გათვალისწინებული რომელიმე გამონაკლისით;
- 1.4. **დაზღვევის გეოგრაფიული ლიმიტი/არეალი** - წინამდებარე დაზღვევა მოქმედებს მთელს მსოფლიოში (გამონაკლისს წარმოადგენს ქვეყნები, რომლებზეც ვრცელდება გაეროს სანქციები);
- 1.5. **სადაზღვევო თანხა** - განისაზღვრება კრედიტის ოდენობის შესაბამისად;
- 1.6. **სადაზღვევო ანაზღაურება** - სადაზღვევო ანაზღაურება წარმოადგენს თანხის ოდენობას, რომელსაც მზღვეველი უხდის მოსარგებლეს სადაზღვევო შემთხვევის დადგომისას და ტოლია ამ მომენტისათვის დაზღვეულის სს „ვითიბი ბანკი ჯორჯიას“ (შემდგომ „ბანკი“) მიმართ დარჩენილი საკრედიტო ვალდებულების მხოლოდ ძირითადი თანხისა.
- 1.7. **სადაზღვევო პერიოდი** - დროის შუალედი, რომლის განმავლობაშიც დაზღვევა არის ძალაში. წინამდებარე პირობებით სადაზღვევო პერიოდი მოქმედებს შესაბამისი საკრედიტო ხელშეკრულებით განსაზღვრული საკრედიტო პერიოდის/ვალდებულებების ამოწურვამდე.
- 1.8. **ხელშეკრულების შეწყვეტის/გაუქმების პირობები:**
  - სადაზღვევო პოლისის ვადის გასვლა;
  - სადაზღვევო თანხის ამოწურვა;
  - თუ საკრედიტო ხელშეკრულებიდან გამომდინარე ვალდებულების სრულად დაფარვა განხორციელდა ვადაზე ადრე, იმ მომენტიდან დაზღვევა ჩაითვლება გაუქმებულად, თუკი აღნიშნულის შესახებ ინფორმაცია მიღებული აქვს მზღვეველს მოსარგებლისგან ყოველდღიური ანგარიშის სახით ან/და მოსარგებლის რეალურ გარემოში დაყენებული პროგრამული უზრუნველყოფიდან (LMS) ინფორმაციის გაცვლის სერვისის საფუძველზე.
  - თუ სს „ვითიბი ბანკი ჯორჯიას“ მიერ განხორციელდა იმ საკრედიტო ვალდებულებათა (კრედიტის) მოთხოვნის უფლების დათმობა, რომელთან დაკავშირებითაც განხორციელდა წინამდებარე პირობებით გათვალისწინებული დაზღვევა.
  - კანონმდებლობით გათვალისწინებული სხვა შემთხვევები.
- 1.9. **სადაზღვევო ანაზღაურების გაცემის წესი:**
  - 1.9.1. ბანკი ვალდებულია, შესაბამისი ინფორმაციის მიღების შემთხვევაში, მზღვეველს შემთხვევის (მსესხებლის გარდაცვალება) შესახებ, შეტყობინება გაუგზავნოს ბანკის მიერ შემთხვევის შესახებ ინფორმაციის მიღებისთანავე ან არაუგვიანეს სამი სამუშაო დღისა;
  - 1.9.2. შეტყობინების მიწოდება ხდება საკონტაქტო პირის და ურთიერთთანამშრომლობის ხელშეკრულებაში მითითებულ ელექტრონულ მისამართზე ინფორმაციის გაგზავნის მეშვეობით, წინამდებარე დანართით განსაზღვრული პირი ვალდებულია გადაამოწმოს და მიიღოს დადასტურება მზღვეველისაგან შემთხვევის შესახებ ინფორმაციის მიღების შესახებ;
  - 1.9.3. ბანკი ვალდებულია, მზღვეველს დაეხმაროს შემთხვევის განსახილველად აუცილებელი დოკუმენტაციის მოძიებაში;
  - 1.9.4. მზღვეველი უფლებამოსილია, მოითხოვოს დაზღვეულის გარდაცვალებასთან დაკავშირებული დამატებითი საბუთები ან/და თავად ჩაატაროს დამატებითი გამოკვლევები.
- 1.10. **სადაზღვევო ანაზღაურებისათვის აუცილებელი პირობაა შემდეგი დოკუმენტაციის წარმოდგენა:**
  - 1.10.1. დაზღვეულის გარდაცვალების დამადასტურებელი ოფიციალური ცნობა, რომელშიც მითითებული იქნება დაზღვეულის ასაკი და დაბადების თარიღი.
  - 1.10.2. სამედიცინო ცნობა, რომელშიც მითითებული იქნება გარდაცვალების გამომწვევი მიზეზები.
- 1.11. მოთხოვნილი დოკუმენტაცია მზღვეველთან წარდგენილ უნდა იქნეს სადაზღვევო შემთხვევის დადგომიდან არაუგვიანეს 60 (სამოცი) კალენდარული დღისა.
- 1.12. მზღვეველი ვალდებულია მიიღოს გადაწყვეტილება სადაზღვევო ანაზღაურების გაცემაზე ყველა აუცილებელი დოკუმენტის მიღებიდან 5 (ხუთი) სამუშაო დღის ვადაში და ამავე ვადაში დაიწყოს ანაზღაურების პროცედურა.
- 1.13. ანაზღაურება გაიცემა მხოლოდ მოსარგებელზე ან/და მის მიერ სპეციალურად ამისათვის განსაზღვრულ უფლებამოსილ პირზე.
- 1.14. **მზღვეველის პასუხისმგებლობისაგან გათავისუფლების პირობები:**
  - 1.14.1. დაზღვევის პირობებით განსაზღვრული ანაზღაურებისათვის წარმოსადგენი დოკუმენტაციის სრულად დადგენილ ვადაში წარმოუდგენლობა შესაძლოა გახდეს ანაზღაურებაზე უარის თქმის საფუძველი.
- 1.15. **სიცოცხლის დაზღვევის გამონაკლისები:**
  - 1.15.1. დაზღვეულის მიერ ჩადენილი თვითმკვლელობა ან თვითმკვლელობის მცდელობა, განზრახ თვითდაზიანება;
  - 1.15.2. დაზღვეულის მკვლელობა, მკვლელობის მცდელობა ან სხეულის დაზიანება, რომელშიც პირდაპირ ან არაპირდაპირ ბრალი მიუძღვის დამზღვევეს და/ან მოსარგებლეს;
  - 1.15.3. დაზღვეულის მიერ ნებისმიერი სახის დანაშაულებრივი ქმედების ჩადენა ან ჩადენის მცდელობა;
  - 1.15.4. ნებისმიერ საფრენ საშუალებაში ყოფნა, მასში შესვლა ან მისგან გამოსვლა, გარდა იმ შემთხვევებისა, როდესაც დაზღვეული არის რეგულარული ავიარების მგზავრი;
  - 1.15.5. დაზღვეულის ფსიქიური დაავადება (დროებითი ან სხვაგვარი);

- 1.15.6. სადაზღვევო შემთხვევა, დამდგარი დაზღვეულის კრუნჩხვითი ან ვენერიული დაავადების შედეგად;
- 1.15.7. ალკოჰოლური, ნარკოტიკული ან/და ტოქსიკური ნივთიერებების ზემოქმედების შედეგად დამდგარი სადაზღვევო შემთხვევა;
- 1.15.8. ავტომობილსატრანსპორტის მართვა ალკოჰოლური, ნარკოტიკული ან/და ტოქსიკური ნივთიერებების ზემოქმედების ქვეშ;
- 1.15.9. დაზღვეულის მიერ ნებაყოფლობით არააუცილებელ ხიფათში თავის ჩაგდება, გარდა ადამიანის სიცოცხლის გადარჩენის მცდელობის შემთხვევისა;
- 1.15.10. დაზღვეულის მონაწილეობა ქვემოთ ჩამოთვლილ სარისკო სპორტის სახეობებში (გარდა იმ შემთხვევისა, როდესაც გადახდილია შესაბამისი დამატებითი სადაზღვევო პრემია): საჰაერო სპორტი, სპორტის საბრძოლო სახეობები, სპორტის ზამთრის სახეობები, ნებისმიერი სახის სიჩქარეზე შეჯიბრი (გარდა ფეხით მოძრაობისა), აკვალანგით ყვინთვა, კლდეზე ცოცვა, ალპინიზმი, სპელეოლოგია;
- 1.15.11. დაზღვეულის მონაწილეობა პროფესიულ სპორტის სახეობებში (შეჯიბრი, საჩვენებელი გამოსვლა, წვრთნა);
- 1.15.12. შემთხვევები, რომელიც დაკავშირებულია დაზღვეულის მიერ არანებადართულ (შესაბამისი ლიცენზიის ან/და ნებართვის არქონა) ნადირობასთან;
- 1.15.13. სამსახურეობრივი მოვალეობის შესრულება შეიარაღებულ ფორმირებებში (გარდა იმ შემთხვევისა, როდესაც გადახდილია შესაბამისი დამატებითი სადაზღვევო პრემია);
- 1.15.14. დაზღვევის მოქმედების დაწყებამდე არსებული მიზეზები (დაზღვევის მოქმედების დაწყებამდე არ განიხილება სადაზღვევო პოლისით განსაზღვრული პირველადი სადაზღვევო პერიოდის, ავტომატური განახლება);
- 1.15.15. შიდა ან შიდასთან დაკავშირებული დაავადება, B და C ჰეპატიტი;
- 1.15.16. მაიონიზირებელი დასხივების ზემოქმედება;
- 1.15.17. ომი, უცხოელი აგრესორის მიერ განხორციელებული სამხედრო მოქმედებები (მიუხედავად ომის გამოცხადების თუ გამოუცხადებლობისა), სამოქალაქო ომი, აჯანყება, ბუნტი, რევოლუცია, სახალხო მღელვარება, სამხედრო ან უზურპატორული ძალაუფლების გამოყენება, ტერორისტული აქტები;
- 1.15.18. სანაძლეოს პირობების, აკრობატული ილეთების შესრულება, რეკორდის დამყარება, რეკორდის დამყარების მცდელობა ან ამისათვის მოსამზადებელი ცდები;
- 1.15.19. აზბესტოზის რისკების სრული გამოწვევის პირობა;
- 1.15.20. დაზღვეული იყენებს საჰაერო ხომალდს (რეაქტიური ძრავით ან ძრავის გარეშე), პლანერს, კოსმოსურ ხომალდს ან პარაშუტს;
- 1.15.21. დაზღვეული მართავს საჰაერო ხომალდს ან წარმოადგენს ეკიპაჟის წევრს;
- 1.15.22. დაზღვეული მძღოლის, შტურმანის ან მგზავრის სტატუსით მონაწილეობს სატრანსპორტო საშუალების გამოცდაში, უმაღლესი სიჩქარის გამოსავლენად;
- 1.15.23. გარდაცვალება გამოწვეულია უშუალოდ ბირთვული ენერგიით ან მისი შედეგებით;
- 1.15.24. გარდაცვალება გამოწვეულია რადიაციით;
- 1.15.25. თვითმკურნალობის შედეგად გამოწვეულია ჯანმრთელობის გაუარესებით დამდგარი სადაზღვევო შემთხვევა;
- 1.15.26. გარდაცვალება, რომელიც გამოწვეულია ფსიქიკური რეაქციით განპირობებული პათოლოგიური მოშლილობით, განურჩევლად ფსიქიკური რეაქციის გამოწვევი მიზეზისა;

**2. მხარეთა ხელმოწერები:**

მზღვეველის სახელით: -----

დამზღვევის სახელით: -----